

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（164）



國家圖書館出版社

中國地方志佛道教文獻匯纂·寺觀卷
浙江省 溫州市

樂清縣新志稿

千人俊纂修
民國間稿本

《中國地方志聯合目錄》不載此志



民國樂清縣新志稿卷三

寧海干人俊纂

叙山

北雁蕩山 北雁蕩山在樂清之東諸峯峭拔險怪上聳千尺包諸谷中自嶺外望之無所見至谷中則森然干霄（名勝志）東聯溫嶺西接白岩南跨玉環北控蒼山頂上有湖水常不涸春雁歸時多宿于此故名山有東西內外谷東外谷之峯五東內谷之峯四十有八西內外谷之峯各二十有四建寺一寺有八各有殊名皆宋以來好事者所命也（嘉靖浙江通志）溫州雁蕩山天下奇秀然自古圖譜未嘗言祥符中因造玉清

宮伐木取材方有人見之謝靈運守永嘉凡佳山水游歷殆遍
獨不言此山蓋當時未有雁蕩之名耳（夢溪筆談）

靈峯 在天冠峯左靈峯寺旁下有觀音洞清李鑾宣靈峯句云
靈巖之巖看已飽側聞靈峯更幽窅（全右）

民國釋蘊光有偕澹雲印西諸友遊覽靈峯觀音洞諸勝詩
曲徑通幽境觀音古洞邊雁飛雲外路魚躍水中天野菓巖頭
摘芒鞋險處穿偶逢山景好又惹我流連（秋扇集）

碧霄峯 在北斗洞北里許下有碧霄洞昔有碧雲庵今廢（全右）

芙蓉峯

一名觀音巖，在西外谷東嶺上。明何丹邱望芙蓉峯，寄

僧句云：江行百里見芙蓉，知爾談經在此峯。（樂清記）

靈巖

在雁山靈巖寺後，旁有錦霞障。（中國旅行指南）

民國余紹宋有中秋雁蕩靈巖寺賞月聽蔡履平彈琴，直若昇仙，生平第一賞心事也。同賞者楊雨農、李建農、周中樞、張天放。

詩云：

仙境孰云邈，分明即眼前。靈巖本仙窟，我來月正圓。雙峯聳千

尺，突兀臨前軒。

東峯曰天柱，西峯曰展旗，均高百餘丈，相距約廿餘丈，寺築其下，極得形勝。皓魄初

東升清光已可憐，漸移漸入勝最勝。
中天懸適當兩峯間，一若無推遷。
兩峯皆絕壁，不稍欹側。故月行至中天，最為奇景。
衆星失其明，普照亘大千。
流雲東西來，廣寒曠周旋。
萬籟寂無聲，靈心入客絃。
一彈再三嘆，幽思生無邊。
清厲徹雲霄，如聞奏鈞天。
凝眸忽邈然，冉二來羣仙。
姮娥偕青童，聯袂逞嬋娟。
蟾華煥紛綸，鶴馭驚聯翩。
瓊花雜瑤草，盡態秋風顛。
我縱非知音，聽音百慮捐。
幾迷身所在，縹緲凌雲烟。
高處竟勝寒，賓主皆忘眠。
年二度中秋，憂患苦相煎。
今宵乃獲此，豈曰非良緣。
我生纔一逢，彈指六十年。
一逢亦已幸，不啻真飛鸞。
(寒柯堂詩)

民國釋蘊光有宿靈巖雜詠詩：萬山富裏現樓臺，別有乾坤

此地開殿角一聲鐘響處，
渾疑天半落晴雷。（秋扇集）

水簾谷 在淨名庵下宋周邵水簾谷句云：淨名庵下水簾谷。

萬仞蒼崖漱寒玉明何丹邱亦句云：水石漸窮雲路絕紫崖。

千仞暮天青（全右）

石佛洞 洞內有小碑題曰邑令葛逢率僧法成同瞻石佛時熙

寧乙卯仲夏晦日明章九儀有石佛洞佳句云：兩崖扶日起。

一徑入雲深同時章元應亦句云：憑誰勒此新題字為次熙

寧乙卯鐫（全右）

維摩洞 在雁山民國釋蘊光有訪維摩洞詩：凌晨約伙伴古

洞訪維摩紅綬沿溪樹翠連絕壁蘿履輕行脚健衲破受風多

遊到開懷處臨風發浩歌（秋扇集）

開元洞 在雁山。民國釋蘊光有訪開元洞詩：云訪開元洞，芒鞋絕處登。峯從天外矗，雲傍杖頭生。海水開明鏡，崗巒列畫屏。不堪回首望，來路太嶙峋。（秋扇集）

丹霞山 在縣治西，舊名白鶴山。山色多丹，本名赤岩。唐天寶六年改今名。晉張文君煉丹于此。太守王羲之訪之，遁入竹，不獲。見下有金星溪，其石名金星石。岩下有招賢岩、丹霞塢。（全左）張又新丹霞山句云：白鶴山邊秋復春，文君宅畔少風塵。（梁清記）

簫臺山 一名玉簫峯。相傳王子晉吹簫之所，其麓有沐簫泉。（名勝志）王十朋簫臺山佳句云：人家煙色裏，古寺水聲中。（梁清記）

民國樂清縣新志彙纂卷二十

甯海子人俊纂

宗教

信教自由。國所重視。清末纂修方志者多忽之。如宣統台州府志竟刪去而不述。殊違志例。茲據浙江省情。將民二十一年度樂清人民信教統計表列后。

教別 男 女 合計

佛教 六〇〇人 四七六五人 一〇七七二人

道教 二九七人 五二人 三四九人

回教 八人 三人 十一人

耶穌教

九八五人

六八九人

一六七四人

天主教

五八六人

三八二人

九六八人

其他

七六人

二〇人

九六人

又寺觀教堂之興廢有閩各教之盛衰爰據新舊方志等將本縣主要者分錄於后：

一寺觀

白鶴禪寺

在治西丹霞山晉邑人張文君修鍊於此後乃捨宅

為寺時有白鶴飛鳴其中因名(名勝志)寺西有聽琴樓前對瀑布

後遶峰巒門扁曰丹霞山明洪武二十四年併成叢林清順治十

五年圯康熙十一年僧毓美復建(雍正通志)

能仁寺 在雁山西內谷相傳諾詎那為開山祖按西域書龍湫
雁蕩乃吾佛弟子諾詎那尊者之化都也詎那至山中觀瀑遂坐
化宋初僧全了結庵咸平二年始建殿宇(名勝志)在羅漢寺東二
里燕尾瀑右側寺後有巨鑊重三萬七千斤宋元祐七年劉化晟
鑄故土人呼曰大鑊寺(雁山便覽)

沐簫寺

在沐簫泉旁明嘉靖間趙文韶建(樂清縣志)

靈岩寺

在霞嶂洞西南三里靈岩為雁蕩名勝中最著者之一

(雁山便覽)

民國釋蘊光宿靈岩又咏詩「伽藍藏邃谷四壁自天成

松挺危崖秀月懸
亂嶂明客驚窗畔夢風度竹邊聲
放眼乾坤外
悠々出世情(秋扇集)

西岩寺

在湖上。喬石晉天福間建。《溫州府志》。

飛泉寺

在東內谷。宋天禧二年僧從吉建。元末遷於戴辰峰之

西絕頂上。明洪武二十四年歸併雙峰寺。《雁山志》。

雙峰寺

在東內谷。宋祥符元年僧法遠建。《雁山志》。

淨名寺

在靈峰南五里外。有睡猴峰。前有吉星橋。《雁山便覽》。

民國釋蘊光宿淨名寺詩：「遊踪隨意歇北谷，又南岑。雁度雲邊影，猿啼月下聲。山高多有路，峰好半無名。寄語來遊客，幽奇此處尋。」

《秋扇集》

本覺寺

在大芙蓉。唐乾甯二年建。《樂清縣志》。

壽昌寺

在黃塘。隋仁壽中建。唐光啟二年慧空大師欲購材遷。

地忽洪水漂木聚於此又遇一古井獲銅佛三乃成刹(溫州府志)
芝嶂寺 在鳳凰山宋時建後圯清康熙二十一年僧實性募緣
重建(樂清縣志)

真濟寺

在碧霄洞西北三里(雁山便覽)

羅漢寺

燕尾瀑西二里前有宋橋宋淳佑戊申建下有霞映潭

(雁山便覽)

瑞鹿寺

在大龍湫瀑布附近(雁山便覽)

東塔院

在東塔山上為白鶴寺子院(府志)

西塔院

在西塔山上宋咸平間邑令邊秀建(府志)

碧霄洞

在碧霄峯下昔有碧霄庵今廢(雁山便覽)